

談藝孔明異傳兵法說解評林

漢書門			
九	五	三	七
七	一	七	一
冊	架	函	號

內閣文庫			
三	九	五	三
九	一	七	一
冊	架	函	號

內閣文庫	
番號	漢 9537
冊數	7( 2 )
函號	299 236





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





諸葛孔明異傳兵法註解評林卷之二

目錄

一 軍蠹



二 腹心

漢草文庫

三 謹候

四 機形

五 重刑

六 善將

七 審因

八 天勢

九 勝敗


十 假權

十一 哀死

十二 三賓

十三 後應

十四 便利



- |    |    |    |    |
|----|----|----|----|
| 十五 | 應機 | 十六 | 揣能 |
| 十七 | 輕戰 | 十八 | 地勢 |
| 十九 | 情勢 | 二十 | 擊勢 |
| 九一 | 整師 | 九二 | 勵士 |
| 九三 | 自勉 | 九四 | 戰道 |
| 九五 | 和人 | 九六 | 察情 |
| 九七 | 威令 | 九八 | 東夷 |
| 九九 | 西戎 | 三十 | 南蠻 |
| 卅一 | 北狄 |    |    |

諸葛孔明異傳兵法註解評林卷之二

明  
 章嬰與參註 王士騏鳳雛定  
 薛家諧孟評 李靜修龍靜較

軍蠹

夫三軍之行有探候不謹烽火失度一蠹後期  
 犯令不應時機二蠹阻師亂徒乍卻乍前不合  
 金鼓三蠹上不恤下削斂無厭四蠹營私徇已  
 不恤饑寒五蠹非言矯詞妄陳禍福喧雜驚亂

六蠹 或將吏勇不受制七蠹 專而陵上八蠹 虛竭

軍庫以給身九蠹 此九者三軍之蠹有之必敗也

**評** 將之用軍譬用藥然得良藥則活人得惡藥則殺人若九蠹者師中之烏喙兵家之

釣吻也者也

**一** 腹心

夫為將者必有腹心委之以心 必有耳目資之以

聞必有瓜牙付之以 無腹心者如人夜行無所

措手足無耳目者如冥然而居不知運動無瓜

牙者如飢人食毒物無不死矣故善將者必有

博聞多智者為腹心沉審謹密者為耳目敢勇

善敵者為瓜牙汎掃醜類三

**三** 謹候

夫敗軍喪師未有不因輕敵而致禍也蜂蠶有

故師出以律失律則凶易師卦初 律道有十

五焉一日慮間謀明也二日詰諄候謹也三日

勇敵衆不撓也四日廉見利思義也五日平賞

罰均也六曰忍善含耻也七曰寬能容衆也八曰信重然諾也九曰敬禮賢能也十曰明不納讒也十一曰謹不違理也十二曰仁養士卒也十三曰忠以身徇國也十四曰分知止足也知十五曰謀自料而後料彼也知

**曰**自古之言律者不過其誓攻右攻左御非其馬之正牧誓五步六步七步五伐六伐七伐司馬法坐作進退魯侯牛馬臣妾戒以勿逐之類武侯乃以十五者發律字真所謂達在中虛神在外漠者

**四 機形**

夫以愚克智逆也蠢尔蠻荆大邦為仇是也以智克愚順也楚漢爭鋒是也高

薄伐玁狁至干大原是也以智克智機也祖亦曰兩賢豈相

阨機道有三焉動而未形曰機孫子曰微乎微乎至於無

聲是也一曰事二曰勢三曰情事機作而不能應也

非智也勢機動而不能圖非賢也情機發而不能行非勇也善為將者必因機以立勝也

**曰**一字一珠可變可傳天下之至文也自秦漢來搦管者未易語此

五 重刑

吳起曰鼓鞮金鐸所以威耳旌旄旗幟所以威  
 目禁令刑罰所以威心耳威以聲不可不清目  
 威以容不可不明心威以刑不可不嚴謂侯曰  
 高祖約法三章秦民知德願君緩刑弛禁侯曰  
 君知其一二未知其二三秦以無道政苛民怨高祖  
 因之可以弘濟方今德政不舉刑威不肅君臣  
 之道漸以陵替吾威之以法法行則知恩為治  
 之要於斯著矣此三者不善士可怠也故曰將之所麾  
 莫不必移將之所指莫不必至將之所期莫不

必死也

評曰

家無怒咎則豎子嬰兒之有過也立見刑罰可不重哉

六 善將

古之善將者有大經經常之道示之以進退而人知  
 禁陳之以德義而人知禮親上長重之以是非而  
 人知勸去逆效順令之以賞罰而人知信禁禮勸信  
 師之大經也故能戰必勝攻必取也庸將不然  
 退而不能止進而不能禁善惡混同士不識勸  
 賞罰不均人不知信故賢良退伏知其不可與謀也

諂頑登用望風希旨乘昏闇而入也是以戰必敗散也

**目評** 文家句法只在「一」字增損之間如「此篇末句本只是是以戰必敗也尋常句耳武侯却增「一」散字便成奇警此可為煉句者法

**七 審因**

夫因人之勢以伐之則黃帝不能與爭威矣因人之力以決之則湯武黃帝作兵湯武無敵蓋極言之也不能與爭功矣若能審因則萬夫之雄將可圖而四海雄豪皆受制矣

**目評** 如秦者立而至有車也適越者坐而至有舟也秦越遠途也靜立安坐而至者因其械也固三代所寶莫如因因則無敵

**八 天勢**

夫行師之勢有三焉一日天二日地三日人天勢者謂五星合度凡五星木與金合有破軍火與金合為樂為喪不可用兵金與水合為比軍用兵舉事大敗火與水合為焯不可舉事用兵土與水合為壅沮不可舉事用兵必覆軍與金合亡也與木合主飢水與金合為變謀為兵憂入太白中而上出破軍殺將客勝下出客亡也視其所止以命破軍環遶太白若與火戰客勝 彗孛不生凡

星見伏晉行逆順遲速應歷度者為得其行政  
合于常違歷錯度而失路盈縮者為亂行亂行  
則為大失昔李而有亡禍風氣調和地勢者謂或  
國革政兵飢喪亂之禍

石門幽洞羊腸小路也險要或峻嶺重巘洪流千

里人勢者謂主聖將賢三軍由禮士卒用命糧

甲堅備也善將者因天之時就地之勢依人之

利則所向者無敵所擊者萬全矣

**目評** 以巨斧擊桐薪不待利時良且而後破之  
加巨斧於桐薪之上而無人力之捧雖順  
招搖挾刑德而弗能破者以其  
其無勢也此可與善將者道

九 勝敗

賢材居上士卒慶下三軍悅樂士卒畏懼相議

以勇鬪相堅以威武相勸以刑賞此必勝之徵

也三軍數驚與三軍士卒惰慢與士卒下無禮

信人不畏法與相勸以刑與相語以利相

囑以禍福相惑以妖言與相議以勇鬪與相語此必敗

之徵也

**目評** 善戰者非能必已之勝有必勝之道也  
亦非能必已之不敗無必敗之道也



十 假權

夫將者人命之所懸也成敗之所繫也禍福之所倚也而上不假之以賞罰亦猶束猿猴之手而責其不升木詩曰無教猱升木善升木莫如猿猴也膠離婁之目離婁暗中也能辨五色而使之辨青黃不可得也若賞在權臣罰不由將人苟自利誰懷闔心雖伊呂之謀韓韓白起之功不能自衛况况克敵乎故孫武曰將之出也君命有所不受孫子九征蒞亞夫曰

軍中只聞將軍令不聞有天子之詔亞夫細柳營對文帝

語帝曰此真將軍

**評曰**君不假權以將于敵禍敗存至尚能孤立於然一人獨攬其權乎不也噫亦愚矣

十一 哀死

古之善將者養人如養己子視卒如嬰兒故可與之俱死有難則以身先之身先之與之赴深谿視卒如愛子故可與之俱死有功則以身後之功成則曰此士卒之傷者泣而撫之死者哀而葬之飢者給食而飼之寒者解衣而衣

之賢者禮而祿之勇者賞而勸之將能若此則所向必勝也

**[評]** 憑君莫話封侯事一將功成萬骨枯可憐無數沙邊骨猶是春閨夢裡身念及於此痛矣流涕自不能已豈獨為勝捷計哉

**[十三] 三賓**

夫三軍之行也必有賓客共議得失以資將用有思若懸泉如懸泉瀉之久而不竭奇謀不測博聞廣見多藝碩才者此萬夫之望可以為上賓有猛若

鐵虎捷若騰猿剛如鐵石利若龍泉良劍此一時之雄可以為中賓有多言或中薄技小才此常人之能可以為下賓

**[評]** 善用兵者用其自為用也不能用兵者用其為已用也用其自為用則天下莫不可用也用其為已用則用者鮮矣

**[十三] 後應**

若乃面難於易為大於小老子先用賞功疑是後用刑罪疑惟此用兵之妙也此乃戰勝於廟堂故為妙

師徒已列戎騎交馳強弩亂撓短兵又接敷陳

威信勢而休之敵人告降此用兵之能也身衝

矢石爭勝一時成敗各分彼傷我死此用兵之

下也所謂白刃合流矢接涉血屬腸輿死扶傷流血千里暴骸盈場乃以決勝者也非下如何

**評** 兵家之勝貴於未戰有國者當于其妙而

其下

**十四 便利**

夫草木叢穢利以遊逸重塞山林利以不意晴

明無隱利以勇力隘途深草利以潛伏以少擊

衆利以日暮暮則敵不知吾之少以衆擊寡利以清晨清

則彼愈懾于吾之衆強弩長兵利以捷次踰淵隔水大風

暗昧利以搏前擒後也

**評** 地形者兵之助也料敵致勝計險阨遠近上將之道也

**十五 應機**

夫必勝之術合變之利在於機也非智者孰能

與於此乎見機之道莫大於不意出其不意有

猛獸失險童子曳戟而追之蜂蠆入衽非夫徬  
惶倉卒失而失色以其禍出不圖變速非慮也

**[圖]** 攻其所不守守其所不攻  
則風聲鶴唳草木皆兵矣

**[十六]** 揣能

古之善用兵者先揣其能而斷其勝負主孰勝  
也將孰賢也孰能也糧餉孰豐也士卒孰練  
也軍器孰整也戎馬孰逸也形勢孰險也賓客  
孰智也財貨孰多也百姓孰安也由此觀之強

弱之形可以決矣主勝將賢吏能糧豐卒練器  
整馬逸形險賓智財實百姓

又安為強形及是為弱形  
觀此可以斷其勝負矣

**[圖]** 兵家知此可為萬人敵  
文士知此可得三昧法

**[十七]** 輕戰

螫虫如蜂蠆之觸負其毒也戰士能勇倚其備  
也其備具則亦所以鋒銳甲堅則人輕戰輕易

故甲不堅密與肉袒同何貴弩不及遠與短兵

同焉用射不能中與無矢同所射中不能入與

無鏃同

雖中

探候不謹與無目同

青衫入殿不明曹子之奸

易服過閑未識荆生之詐是無目者也

將帥不勇與無將同

已上數者

則雖聞而不勇矣謂軍中虛無一人可也

**曰**

此承上章軍器孰整而言其不整如此議論具品文詞妙品

**十八 地勢**

夫地勢者兵之助也不知戰地而勝者未之有也山林積石丘阜大川此步兵之地土高山狹草蔓相屬此車騎之地蘆葦相叅樹木交映此

鎗錐之地依山附澗高林深谷此奇擊之地草淺土平可前可後此長戟之地也

**曰**

不知山林阻險沮澤之形者不能行軍不用鄉導者不能得地利

**十九 情勢**

夫將有勇而輕死者有急而心速者有貪而喜利者有仁而不忍者有智而心怯者有謀而情緩者有是故勇而輕死者可暴也急而心速者可久也貪而喜利者可遺也仁而不忍

者可勞也智而心怯者可窘也謀而情緩者可

襲也因其情勢而中其之

**目** 攻心為上攻城為下心戰為上兵戰為下其所謂以心戰而攻心也

**三十一 擊勢**

古之善將者先探敵情如列者然後量之師瘦  
糧絕百姓怨生苦其供億人多疾疫天降鞠凶計不先設  
器械不修卒不習練外救不至途遠日暮士卒  
勞倦將薄吏輕懈不設備進不服陣陣而未定

行波涉水半山隱藏踰津越河旌旗散亂將士

相違將士相違則不相為用戰勝而驕行陣失列兵疲而

驚自相恐震大軍雖給而衆未食枵腹何自行自止

或前或卻擊之無疑上度法度嚴明下惠惠順也信賞

必罰陳功就列用賢授能師恭而禮甲兵堅利

四隣之大歸於版圖糧備有餘政教不厯敵人

有此引而辟之

孫子曰無邀正正之旗無擊堂堂之陣

**退** 將明於此進則為兼弱攻昧退則為罷兵息民其何不善

**九一 整師**

夫出軍行師以整為勝若賞罰不明法令不信金之不止鼓之不進兵以鼓進以金退雖百萬之師無益於用所謂整者居則有禮動則有威進不可當敵不退不可逼敵不前後應節左右應旄與之安不與之危其眾可合而不可離可用而不可疲也此與推謀之書奇正甚遠不得已而用師何必舍此外求也

**九二 勵士**

夫用人之道尊之以爵人主愛爵賞贍之以財則士無不奮矣則士暴足接之以禮則士畏足勵之以信則士無不死矣怯死怯死滅名禮畜恩不倦周宣王時六軍之法若畫一則士無不服矣先身而人不敢後先之以身後後人而人樂爭先必錄小功必賞則士無不勸矣相勸于陳  
**者** 畜恩倦也  
**者** 如天下輕於身而士以身為人以身為人  
**者** 如此其重也而人不知以奚道相得

〔九三〕 自勉

夫聖人則天賢人法地

黃帝誨顓頊曰大圜在上大矩在下汝能法之

為民父母智者循古驕者毀至慢者禍及多語者寡

信自奉者少恩賞無功者離罰無罪者怨喜怒

不當者滅

〔評〕

侯之入則周公召公出則方叔召虎也有由然哉有由然哉

〔九四〕 戰道

林戰之道晝廣旌旗夜張火鼓

夜戰多火鼓晝戰多旌旗所以

變人之耳目也

利用短兵巧在設伏或攻於前或發於

後

伏兵叢戰之道利用劍楯將欲面之先廣其路

十里一場五里一堦

堦堦也

偃戢旌旗持嚴金鼓

令敵人無所措手足谷戰之道巧於設伏利在

勇鬪輕足之士凌其高

前所謂足輕戎馬者

必死之士殿

其後

有死之心無生之意所謂不忘喪其元者

列強弩以衝之持短

兵以繼之彼不得前我不得往水戰之道利在

舟楫練習士卒以乘之多張旗幟以惑之發強

弩以中之持短兵以得之設堅柵以衝之順其



流以擊之夜戰之道朝氣銳晝氣惰暮氣歸善

歸利在機密或潛師御枚出其不意或多以火

鼓以亂其耳目自馳而攻之勝矣

**評**

因山川分力與水合勢非苟知之亦久蹈之矣

**九五** 和人

夫用兵之道要在和人人不和則不勸而自戰矣

和人之道興師而後推猶晚也惟是含甘飲醪已非旦夕之積而直踴躍焉以備一朝也斯和氣之薰蒸不約而孚矣普衆而議輯睦已後也惟是仰澤稟餘已非時日之近而直奔走焉

以報一旦也斯和德之用洽不膠漆而固矣 若將吏相猜士卒不附

忠謀不納群小暗議謗慝互生雖有湯武之智

而不能取勝於匹夫况衆人乎故傳曰兵猶火

也不戢將自焚左傳

**評**

自古雖山河百一之固猶足以亡而惟父子兄弟之兵不可為戰和人願不重歎

**九六** 察情

夫兵起於情近而靜者恃其險也迫而挑戰者

欲人之進也衆樹動斬伐樹木者車來也塵卑

而廣者徒來也辭強而進驅者退也

史駢曰使者目動而

言肆懼我也將道

矣史駢可謂知兵半進半退者誘也杖而行者

飢也見利而不進者勞也鳥集者虛也

師曠曰鳥鳥之

聲樂齊師其道鳥夜呼者恐也軍擾者將不重

也旌旗動者亂也吏怒者倦也數賞者窘也屢

罰者困也先暴而後畏其衆者不靜之至也

敵後聞其衆來委謝者欲休息也幣重而言甘

者誘我也

自近而靜至此敵之奸偽一如見可謂善察情矣

**評**

不外孫子行軍篇武侯畧加點擯遂成絕妙

**威令**

夫一人威貌而萬人束有斂息重足俯聽莫敢

仰視者法制使然也

無刑罰下無禮義

有四海而不能自免者桀紂之類是也夫以兵

之權制之以法令威之以賞罰而人不能逆其

命者孫武

吳名穰苴將

齊名之類是也故令不可

輕勢不可逆

令能無敵者其兵之於天下也亦無敵矣  
古之至兵民之重令也故曰其令強者其  
敵弱其令信者其敵誦先勝  
之於此則必勝之於彼矣

東夷

今倭奴西南瀕海東北倚山其土數千  
里形類琵琶立五畿七道以州統郡附  
庸之國百餘九三千七百七十二鄉四  
百一十四驛八十八萬三千三百二十  
九課十其人兇狡無信洪武中數為邊  
患沿海設備倭以待之  
肅宗皇帝時介我海上浙直閩廣之間橫  
羅荼毒乃知

聖祖神明旁燭若此然去寧波閩漳不遠

西犯浙南犯閩其常也不意爾乃無故  
擁兵比向蹂我朝鮮頻兵全羅羅羅揚跋  
危非  
捷然用武一大創之不可下也

○嘉靖三十六年山口無君豐後獨稱  
雄焉山城君金卯勘合久為山口所有  
向來入貢俱山口自主山城君惟出名  
而已歸殿之亂官殿勘合俱焚金卯亦  
損一角不知歸  
貢自此絕矣

東夷之性薄識禮義

寰宇記無盜少訟不娶同  
姓飲食用遵豆初喪不酒

悍急能鬪依山墜海憑險自固若君臣和睦

黎民安喜不可圖也上亂下離則可以行間間

起隙生則脩德以來之因其人而擊之其勢必克也

**評**倭夷竊鬻海島乘軍吏之弗戒投機煽搆入焉嘯聚出焉剽劫隨撰而輒起少憩而復熾亦既急矣當事者於是議調遣議召募槍撥紛紜莫知所出豈其廢郡縣之兵而乏知鄙之民耶西漢時郡國有才官騎士太守都尉令長丞尉會都試課殿最水處為樓船邊郡行障塞有司以羽檄徵發各因其地此郡縣之兵之實也彼役於官而食於民見謂為兵者非少也胡不以漢制律之也唐李抱真守懷州過籍入戶三十一擇二給以弓矢曹偶習射歲終大校第能否示賞責二二年皆為精兵此鄉鄙之民為兵之效也彼民猶夫故

也胡不以抱真之法施之也夫寇始發而調且募也猶可委也今數載於茲矣可不深思而艾畜之乎應調之兵非我族類惟思于賞而蹈利應募之兵率多無籍豈能安制而矜節縱橫睥睨僵良善以為已功稍進其意則群起噪呼比遣之歸則四分鹵掠視商鎮調兵之害為尤甚矣此忠臣義士所為銳意殫无捐軀報國之秋也肉食者以為何如

**元九** 西戎 唐為吐蕃今四番諸夷是也

西戎多種性剛味依城着野出良馬多金寶而利於鬪元史民獍而好鬪故難敗此可以惑詐取不可以言議服自積石以西諸戎稍敷仁信唐太宗問吐蕃

風俗仲琮對曰法地廣形險自負強狠人多不  
令嚴整上下一心臣唐書云其君臣自為友當候之以外隙伺之以內亂則

鬪之可量矣

評彼空憂西事之然眉者豈且不武侯書耶

南蠻

今安南諸夷是

南蠻多種性不師教

文獻通考夷獠雜居不知禮義

聯合朋黨

失意則叛

宋史土俗獷悍

居洞依山或聚或散西至崑

崙東至洋海產出奇貨故人貪而勇戰春夏多

瘴疫利在疾鬪不可久師也

北狄

今韃靼元帝遁於朔漠傳子愛猷識里  
達臘傳脫古師帖木兒為其下所殺洪  
武二十五年遣將討其罪敗之擄撒兒  
山自是不敢近塞永樂間有本雅失里  
馬哈木阿魯台奉貢惟謹因封本雅失  
里為賢義王馬哈木為順寧王阿魯台  
為和寧王其後叛服不常成祖皇帝  
屢親征本雅失里為台魯所弑馬哈木  
復攻殺之衆乃立脫脫孫也先居瓦剌正  
北馬哈木與子脫脫孫也先居瓦剌正  
統間也先大舉入寇不花復寇遼東不  
久自相殘構不花敗走為其下所殺凡  
再易主而中絕也先之後有稱小王于  
者繼為渠魁三子長阿爾倫台吉次阿

着卜孩次滿宜噴不孩阿爾倫為太師亦卜刺所弒遺二子曰赤日也明小王子死阿着立二子長吉囊次俺答卜孩阿着死衆立卜赤號亦克罕有衆七萬分五營東部酋曰滿會曰猛可不郎曰可都留有衆六萬南部酋曰把答罕奈曰失喇台吉有衆五萬西部酋曰應詔不曰阿爾禿爾曰滿官偶其曰以哈思納曰打即有衆七萬滿官噴部合六營曰多羅羅悶曰畏吾兒曰兀世曰以要曰兀魯曰土吉喇舊屬火師今俺答阿卜孩領之皆住河套其北自兀良罕一營乃小王子故部與諸部自相攻殺其駐牧惟逐水草遷徙不定而分地自不相亂總諸部不下三十餘萬人而吉囊俺答之子素稱雄點每歲入寇

兀良哈元之隣虜也洪武初設秦寧朵顏福餘三衛授以都督指揮等官總之以為外衛其地本古山戎在永平之北西南并秦寧都司接壤革除間發兵助義永樂初割秦寧地與之增置卜刺罕衛今東距遼陽西距四海治皆其境也至今每歲再貢每貢千餘人邀求賞賚以其承襲不分真偽俱稱舍人然與北虜交婚陰為鄉道名為外衛實別腹之隱憂庚戌之變豈非殷鑒哉漢武帝奪陰山之地匈奴入寇無所隱蔽過之未嘗不哭霍去病出代二千餘里與左賢王接戰得胡首虜七方餘人封狼居胥山而還又嘗以輕騎追虜至賓顏山得匈奴積粟食軍留一月燒其餘粟以歸李陵以步卒五千擊虜至浚

稽山虜見漢軍少直前就營陵與戰敗  
 之虜還走山上漢軍追殺數千餘人竇  
 憲率羌胡兵出塞與匈奴戰于稽落山  
 大敗之斬獲甚衆憲登燕然山勒石紀  
 功令班固銘曰錄王師兮征荒裔勦凶  
 虜兮截海外曼其邈兮亘地界封神兵  
 兮建隆碣熙帝載兮振萬世又遣兵大  
 破北匈奴於金微山自漢出師未嘗至  
 此我洪武初總兵官周興征胡自元者  
 河追至撒撒兒山下大破之又王師擒  
 胡寇乃兒不花於禽胡山  
 車駕至此製銘勒石曰瀚海為罽天山為  
 鏗一掃胡塵永清沙漠永樂八年六軍  
 營於白雲山駐蹕蒼山登凌霄峯絕  
 嶺望漠北顧侍臣曰元盛時皆民居今  
 万里肖條惟見風埃沙草耳胡勢衰弱

若此尚敢岷強果何所恃哉  
 車駕次玄石坡製銘勒於立馬峰之右曰  
 惟日月明惟天地壽勒銘玄右與之悠  
 久駐蹕清流泉製銘勒石曰於錄六師  
 用殲醜虜山高水清永彰我武北一年  
 車駕北征駐蹕沙嶺追覓至玄冥河大  
 敗之虜囚雅失里窮促以十騎遁去可  
 謂雪恥酬百五除兇報千古矣  
 北狄居無城郭匈奴志行則車為隨逐水草  
 隨水草畜牧勢利則南侵勢失乃自引去長山廣積  
 足以自衛飢則捕獸飲乳寒則寢皮服裘  
 長以下咸食奔走馳獵以殺為務  
 殺其父兄

未可以道德綏之契丹志無禮頑未可以兵革服之漢不與戰其畧有三漢軍且耕且戰故疲而怯虜騎且牧且獵則逸而勇以疲敵逸以怯敵勇事不相當此不可戰一也漢長於步日馳百里虜長於騎日乃倍之漢逐虜則運糧負甲而隨之虜逐漢則驅疾騎而運之運負之勢已殊走逐之形不等此其不可戰二也漢戰多步虜戰多騎爭地之形勢則騎與步遲疾勢懸此

其不可戰三也不得已則莫若守邊守邊之道據良將而任之訓銳士而禦之廣管田而實之設烽堠而待之多方策以悞之候其隙以間之乘其隙以擊之則國不費而寇可克矣人不疲而虜已靜矣



**評**

前事之愆忘後事之師也以三前事論古囊當世宗時跳梁特甚嘉靖辛亥乞封貢此三衛例弗許虜酋之款塞豈真向慕威德哉裔孫逸入中土之故也當把漢那吉之來奔俺酋西征未返也使當國者舉祖宗出塞之例帥其遁旅搗其虛巢則泰寧可復北庭可空而已失策矣及俺酋歸而遣黃酋圍大同虜衆蜂屯勢且不敵聞俺酋夫婦



相謀欲盡遣南人歸南以易裔孫而我所求者止趙全十餘人板升聚眾幾三十萬皆中國連逃也而丘福之子為之冠殺其父其子有不怨焉者乎當趙全諸人之獻俘也周奎已授首矣今訪其人固在也而其三子又為那吉之近侍能保不交構於其間乎虜部落散處每入寇必糾合於數月之前故我尖夜輩得探知其期而為之備今俺答止兄弟三人而請封者乃五十三支其為聯屬部落無疑也統屬既久一呼而來誰能禦者愚謂當效女直諸夷之例受封之後各自貢獻不許統屬既不拂其請封之意又可抑其假托之權中國道路之險夷武備之強弱皆不宜示虜人况花當之子親自犯邊則虜酋之入寇皆熟夷為之勾引也故今日議貢當倣南海諸國事例館留虜使於邊而代輸其馬幣焉

優其犒賞而不勞遠人既示優厚之意又可杜窺伺之心又貢市一節初約進貢五十人今則增至三百人矣山西一場初約歲買馬四千匹今增至六十匹而猶請乞不已初約雜幣互輸今則純索精鉄故名為進貢實覬恩也名為互市實剽奪也名為撫賞實歲幣也虜以數十萬眾駐牧豐州正值大同塞而中兵不過萬人又堪戰者寡乃於大同城外創立禪寺聽興善念亦王生脩齊誦經之故也而備老二城軍馬單弱乃三市必由之地可為寒心戰守之備如此可特乎不可特乎比者火酋肆毒於北河下酋助逆於西夏狼子野心聲言入犯其效可觀矣揣虜情而籌今日之畫愚按先王井田之法南北有阡東西有陌其廣可以馳其高可以隱百里之地為澮者九澮廣二尋深二仞故曰阡曰陌



皆高城者曰洫曰澮皆深池也所謂伏至險於大順之中者自井田廢而胡馬始南奔矣然古人猶有掘塹以拒胡人者請於大同一帶倣江南水田之法行古人溝洫之意其淺深高下各因水勢縱橫曲直各因地勢層溝疊岸多種梨棗專任厚募乘暇亟圖有一歲之和即可盡一歲之力有一日之和即可修一日之備外不示狄人以可疑之形而內可以足吾之食故與其募南兵不若募南農與其修邊牆不若修溝洫固書生至腐之誠實今日至苛之策也○數三不可戰不營借箸之等○籌守邊之策言言碩畫○任良將訓銳士廣營由三下事尤為至急

諸葛孔明異傳兵法註解評林卷之二終

